

Kukubaliana na Mapenzi ya Mungu

Mwanamke wa adabu hubeshimiwa daima—Mithali 11:16.

Unaweza usiitwe kamwe kufanya kazi ambayo itakuleta mbele za watu. Lakini kazi yote tunayoifanya ambayo ni muhimu kuifanya, iwe ni kuosha vyombo, kuandaa meza, kumhudumia mgonjwa, kupika au kufua, ni ya muhimu sana; na ni pale utakapotimiza majukumu haya kwa uchangamfu na furaha ndipo utakapofaa kwa ajili ya majukumu makubwa na ya juu zaidi.

Kazi duni zilizo mbele yetu zinapaswa kuchukuliwa na mtu fulani; na wale wanaozifanya wanapaswa kuhisi kwamba wanafanya kazi ya lazima na ya heshima, na kwamba katika utume wao, ingawa ni wa hali ya chini, wanaifanya kazi ya Mungu kwa hakika kama vile Gabrieli alipotumwa kwa manabii. Wote wanafanya katika daraja lao katika eneo lao mahsusi. Mwanamke nyumbani kwake, akifanya kazi rahisi ambazo lazima zifanyike, anaweza na anapaswa kuonesha uaminifu, utii na upendo kwa unyofu kama malaika katika nafasi zao. Kukubaliana na mapenzi ya Mungu kunaifanya kila kazi ambayo lazima ifanyike kuwa ya heshima...

Hatuko mbinguni bali tupo duniani. Tutakapokuwa mbinguni basi tutafanywa kufaa kufanya kazi ya juu na ya kuadilisha mbinguni. Ni katika ulimwengu huu ndipo tunapopaswa kujaribiwa na kuthibitishwa...

Wajibu wa juu ambao wamekabidhiwa vijana ni nyumba zao wenyewe, wakiwabariki baba na mama, kaka na dada kwa upendo na huba la kweli. Hapa wanaweza kuonesha kujikana nafsi na kutojifikiria wenyewe katika kujali na kufanya kwa ajili ya wengine. Kamwe wanawake hawawezi kudharauliwa kwa kufanya kazi hii. Ni ofisi takatifu zaidi iliyotukuka inayoweza kufanya kazi. Ni mvuto wa namna gani dada anaweza kuwa nao kwa kaka zake! Ikiwa yuko sahihi anaweza kuamua tabia ya kaka zake.

Maombi yake, upole wake na upendo wake vinaweza kufanya mengi nyumbani.... Sifa hizi adilifu haziwezi kuwasilishwa kwa watu wengine zisipokuwa zimekaa ndani yako kwanza. Kule kuridhika kwa akili, ule upendo, upole na tabia ya uchangamfu ambayo itaufikia kila moyo, itaakisii juu yako kile ambacho moyo wako hutoa kwa wengine. Ikiwa Yesu hatawali moyoni mwako, kutakuwa na kutoridhika na uharibifu wa maadili. Ubinafsi utawatakiya wengine kile ambacho hatuko tayari kuwapatia. Ikiwa Kristo hayupo moyoni, tabia itakuwa isiyopendeza.

Sio kazi kuu na vita kuu peke yake ambayo hujaribu nafsi na kudai ujasiri. Maisha ya kila siku huleta fadhaa, majaribu na vikwazo vyake. Ni kazi ya unyenyekevu ambayo daima huleta saburi na ustahimilivu. Kujitegemea na uthabiti vitakuwa vya lazima ili kuyakabili na kuyashinda matatizo yote. Mtafute Bwana ili kusimama pamoja na wewe na kuwa suluhisho na faraja yako kila uendako

(Testimonies for the Church 3:79-81).